

LJUBLJANSKI ŠKOFIJSKI LIST

Leto 1926.

Ljubljana, 24. julija 1926.

Štev. 6.

53.

OKROŽNICA SV. OČETA PAPEŽA PIJA XI. O SV. FRANČIŠKU ASIŠKEM.

SANCTISSIMI DOMINI NOSTRI

P I I

DIVINA PROVIDENTIA

P A P A E X I

LITTERAE ENCYCLICAE

AD VENERABILES FRATRES — PATRIARCHAS PRIMATES ARCHIEPISCOPOS EPISCOPOS — ALIOSQUE LOCORVM ORDINARIOS — PACEM ET COMMVNIONEM CVM APOSTOLICA SEDE HABENTES

DE SANCTO FRANCISCO ASSISIENSI

SEPTINGENTESIMO AB EIVS OBITV EXEVNTE ANNO.

P I V S P P. XI

VENERABILES FRATRES

SALUTEM ET APOSTOLICAM BENEDICTIONEM

Rite expiatis in hac Alma Urbe atque ad perfectioris vitae institutum excitatis animis plurimorum Iubilaeo magno — cuius quidem toto orbe fruendi facultatem in finem vertentis anni prorogavimus — iam ad maximas utilitates vel quaesitas inde vel speratas cumulus quidam videtur Nobis accessurus ex ea quae ubique gentium apparatur de Francisco Assisiensi commemoratio sollemnis, septimo exeunte saeculo cum terrestre exsilium caelesti patria feliciter mutavit. Hominem, non tam turbulentae aetati suae quam christianaे omnium temporum societati emendandae divinitus datum, cum Actioni catholicae, quam vocant, proximus decessor Noſter caelestem Patronum attribuerit, eos sane decet filios Nostros, qui in ea provincia secundum praecepta Noſtra desudant, ita, cum creberrima Francisci subole concinentes, eius et acta et virtutes et spiritum revocare atque extollere, ut, commenticia illa Seraphici viri specie reiecta, quae aut recentiorum errorum fautoribus aut urbanis lautisque hominibus ac mulieribus arridet, quam ipse in se rettulit sanctitatis formam, ad evangelicae castitatem simplicitatemque doctrinae compositam, christifideles omnes eandem imitantur atque induant. Huc enim et sacros ritus et publicas ferias et recitationes et contiones, per saecularis anni decursum, spectare cupimus, ut, qualis ex naturae gratiaeque donis, ad absolutissimam sui proximorumque perfectionem mirifice adhibitis, Patriarcha Seraphicus exstitit, talis omnino, nec aliis aut dissimilis, germanae pietatis

significationibus celebretur. Quodsi temere facit quisquis adscitos in caelestem patriam sanctitatis heroas inter se comparat, quorum alias ad aliud Spiritus Paraclitus munus ad aliquam causam apud mortales obeundam delegit — quae quidem comparatio, ab incompositis animorum motibus plerumque profecta, omni est fructu vacua inque Deum ipsum sanctitatis auctorem iniuriosa — videtur tamen nullus fuisse, in quo Christi Domini imago et evangelica vivendi forma similior, quam in Francisco, atque expressior eluxerit. Propterea, qui se ipse appellavit magni Regis Praeconem, idem recte alter Christus nuncupatus est, quod se quasi reviviscentem Christum aequalium suorum societati et saeculis praestit futuris: unde consecutum, ut is vivat hodie ante oculos hominum in omnemque victurus sit posteritatem. Quod ipsum iam quis miretur, quando ii, qui primi ex aequalibus eius temporis de vita et rebus Patris sui Legiferi scripsere, hunc paene maiorem augustioremque quam pro humana natura existimarunt: quando decessores Nostri, qui Franciseo familiariter usi sunt, in populi salutem Ecclesiaeque praesidium a Deo illum providenter missum agnoscere non dubitarunt? Cur vero, tam diuturno a Seraphici viri obitu intervallo, catholicorum in eum pietas atque ipsorum acatholiceorum admiratio novo quodam ardore effervescit, nisi quod eius forma haud minore hodie, quam ante, claritate mentibus collucet, eiusque vis ac virtus, ad medendum populis cum plurimum adhuc possit, in id advocata desideratur? Etenim emendatrix ipsius actio ad humani generis universitatem sic pertinuit, ut, praeter restitutam late fidei morumque integritatem, evangelicae caritatis iustitiaeque rationes communem ac socialem, ut aiunt, vitam multo interius pervadendo temperarent.

Eventi igitur, quod adesse properat, amplitudini ac faustitati aptissimo congruit, ut, vobis, Venerabiles Fratres, alloquii Nostri nuntiis atque interpretibus, per Assisiensis Patriarchae documenta vitaeque exempla hac temporis reique opportunitate salutariter revocata, franciscalem spiritum, qui ab evangelico sensu atque habitu nihil prorsus abest ac distat, in christiano populo excitemus. Placet enim contentione pietatis cum proximis certare decessoribus Nostris, qui nullam siverunt praecipuorum eius vitae dierum facinorumque saecularem praeterire memoriam, quin apostolici auctoritate magisterii illustrarent fidelibusque agendam decernerent. In quo maxima cum animi voluptate meminimus — ac nequeunt Nobiscum non meminisse qui qui florentem excesserunt aetatem — in Franciscum eiusque instituta ubique gentium incensa fuisse popularium studia per Encyclicas Litteras Auspicato, a Leone XIII quarto ac quadragesimo ante anno datas, cum septimum pariter ab Assisiensis viri ortu saeculum compleretur: quae quidem studia quandoquidem in multiplices pietatis significationes et in optatam quandam animorum erupere renovationem, minime intelligimus cur proximi eventi gravitate paris exitus pas esse non debeat. Quin etiam longe superiorem portendunt quae sunt in prasens christianaee societatis tempora. Quem enim fugiat, bona spiritus pluris fieri communiter coepisse, et populos, superioris aetatis experientia,

doctos nisi ab redditu ad Deum nihil quietis sibi ac securitatis sperandum, ad unam salutis causam Ecclesiam catholicam suspicere? At praeterea cum saecularibus hisce solemnibus, quae ab spiritu paenitentiae caritatisque seiungi non possunt, nonne probata ad orbem terrarum romani Iubilaei venia, de qua diximus, auspicato concurrit?

In comperto est, Venerabiles Fratres, quam difficilis quamque acerba Francisco aetas contigerit. Esto, christianam fidem tum in populo altius esse defixam: cuius quidem rei argumento est, non tam conductos milites quam ipsos omnis ordinis cives, ad liberandum Christi Sepulcrum, signa in Palaestinam, sacro impetu, intulisse. At tamen in agrum dominicum obrepere sensim haereses ac serpere, vel ab notis auctoribus vel ab occultis circulatoribus propagatae, qui, vitae austoritatem assimulatamque virtutis disciplinaeque speciem ostentando, facile simplices debilesque decepere homines: inde infesti quidam rebellionis igniculi in multitudines insinuari. Si qui autem, privatorum maculis Ecclesiae Dei inustis, se ad hanc emendandam divinitus vocatos superbe censuerunt, haud ita multo post, cum doctrinas auctoritatemque Apostolicae Sedis reiecerint, liquido apparuit quibus ii consiliis regerentur; expedite vero ad libidinem et luxuriam, ad ipsamque rerum publicarum perturbationem, concussis religionis, dominii, familiae civitatisque fundamentis, plerosque eorum deve-
nisse constat. Scilicet id tum evenit, quod hac illac plus semel saeculorum decursu, ut conflatae in Ecclesiam inque civitatem seditiones pari gradu, altera alteram iuvante, procederent. Verum, licet catholica fides in animis aut incolmis aut non omnino obscurata consistaret, cum evangelici spiritus paene defecissent, tum Christi caritas in societate hominum adeo deferbuerat ut quasi restincta videretur. Nam, ut de eorum contentionibus sileamus qui hinc cum Imperio, illinc cum Ecclesia facerent, intestinis Italicae urbes bellis lacerabantur, seu vellent nonnullae se ab dominatu unius in civilem libertatem vindicare, seu alliae ex maioribus alias sibi minores subigere niterentur, seu factiones in una eademque civitate de principatu certarent: unde immanes utrimque caedes, incendia, expilationes direpticnesque locorum, exsilia, rerum bonorumque publications. Iniquissima plurimorum fortuna, cum inter dominos et clientes, maiores, quos vocabant, et minores, eros et colonos, nimio plus dispare intercederent rationes, quam ipsa pateretur humanitas, et tenuiores e populo a potentioribus opprimi atque impune vexari solerent. Abrepti porro amore sui suarumque rerum studio, quotquot e miserrima plebe non erant, insatiabili divitiarum cupiditate exardescere; sumptuariis alicubi legibus neququam latis, insanum vestium, epularum deliciarumque omne genus iactare atque ostentare apparatum; paupertatem pauperesque contemptui habere; animo ab leprosis, tum frequentibus, esse aversissimo eosdemque segregatos neglegere, a qua sane tanta fruendi bonis voluptatibusque libidine ne ii quidem vacabant — etsi satis multi e clero morum austernitate commendabantur — qui religiosius vacare debuerant. Quamobrem usu venerat, ut magnos sibi quisque et uberes quaestus omnibus ex rebus,

unde licuisset, hauriret ac constitueret; non modo igitur pecuniā per vim extorquendā vel iniquo fenore exigendo, sed etiam publica munera, honores, iustitiae administrationem, vel ipsam reis impunitatem venditando, rem familiarem non pauci augebant, atque exaggerabant. Nec vero tacuit Ecclesia nec a puniendo se abstinuit: at, quantumne id profuturum erat, quando vel Imperatores, publico pessimoque exemplo, Apostolicae Sedis anathemata provocabant contumaciterque spernebant? Monasticum quidem institutum, quod tam laetos ad maturitatem fructus perduxerat, mundano respersum pulvere, ad resistendum repugnandumque minus poterat; quedsi per novos religiosorum virorum Ordines ecclesiasticae disciplinae aliquantum praesidii accessit ac firmamenti, multo tamen copiosiore et lucis et caritatis effusione laborantem hominum societatem reparari oportebat.

Itaque eiusmodi, quam adumbravimus, societati cum illustrandae, tum ad incorruptam evangelicae sapientiae speciem reducendae, divino consilio Assisiensis apparuit idemque effulsit Solis instar, quemadmodum cecinit Aligherius¹: quae ipsa demum est Thome e Celano sententia, scribentis: »Radiabat velut stella fulgens in caligine noctis et quasi mane expansum super tenebras.«²

Adulescens uberiore quodam et vehementiore ingenio, fertur, pretiosis indutus vestibus, delicatis ac iucundis, quibus uteretur, comitibus caenas apponere lautissimas et inter hilariores cantus urbis suae obire vias consueuisse, integritate tamen morum, castitate sermonum divitiarumque contemptu commendatus. Qui, post Perusinae captivitatis ac morbi cuiusdam molestias cum se interius immutatum non sine admiratione sensisset, nihilo secius, ut ex Dei veluti manibus elaberetur, heroicos oppetiturus casus in Apuliam contendit. Verum, cum iter faceret, haud ambiguo Dei monitu Assisium redire iussus est, ubi, quid sibi agendum foret, doceretur; postquam vero dubitationibus diu aestuavit, et divino afflatu et auditu inter sacrum sollemne illo Evangelii loco, qui ad Apostolorum missionem vitaeque genus pertinebat, intellectus, se »ad formam Sancti Evangelii« vivere et Christo servire oportere. Iam tum, igitur, cum Christo coniungi arctissime eique omnino similis effici aggressus est; et »totum viri Dei studium, tam publicum quam privatum, circa crucem Domini versabatur; et a primaevō temporis, quo Crucifixo cooperat militare, diversa circa eum crucis mysteria praefulserunt.«³ Vere bonus is miles et eques Christi, pro nobilitate et generositate animi, fuit; qui, ne qua in re cum Domino suo et ipse et discipuli sui disparent, praeterquam quod evangelicum codicem, oraculi causa, adire ac consulere inter deliberrandum solebat, legem Ordinum, quos condidit, cum evangelio ipso itemque religiosam suorum vitam cum apostolica vita unus adaequavit. Quapropter in Regulæ fronte recte inseripsit: »Regula et vita Minorum fratrum haec

¹ Par. XI.

² Leg. I. n. 37.

³ Th. a Cel. Tract. de mirac. n. 2

est, scilicet Domini nostri Iesu Christi sanctum Evangelium observare . . .⁴ Iam, ut rem pressius ingrediamur, videamus, Venerabiles Fratres, quam praeclara perfectissimarum virtutum exercitatione se Franciscus ad inserviendum divinae misericordiae consiliis pararit idoneumque publicae emendationis administrum praestiterit.

Quonam studio flagraret noster evangelicae paupertatis, si mente facilius fingimus, describere tamen censemus perarduum. Ipsum nemo ignorat ad opitulandum egenis fuisse naturā proclivem, et, teste Bonaventura, tantae plenum benignitatis, ut, »iam Evangelii non surdus auditor«, decrevisset, nulli se mendico stipem negaturum, quisquis praesertim in petendo »divinum allegaret amorem«;⁵ at vero naturam cumulate gratia perfecit. Itaque, interiore Dei impulsu, reiectum olim pauperem, paenitentia commotus, statim conquerire eiusque misericorditer atque abunde allevare inopiam; iuvenibus stipatus cum aliquando post laetum convivium per urbem concinendo cursitaret, consistere subito, per summam spiritus dulcedinem a corpore abstractus, rogantibusque, ubi se recepit, comitibus uxorem cogitaret, respondere illico ardenterque eos recte dixisse, cum uxorem, qua nulla sane nobilior et ditior et pulcior, ducere sibi proponeret: quibus quidem verbis seu paupertatem seu religionem praecipuo paupertatis cultu innixam intellegebat. Etenim a Christo Domino, qui propter nos egenus factus est, cum esset dives, ut illius inopia divites essemus,⁶ divinam illam sapientiam didicit, quam nulla unquam humanae sapientiae commenta debunt, quaeque sancta novitate res una omnes instaurare potest. Docuerat sane Iesus: Beati pauperes spiritu;⁷ Si vis perfectus esse, vade, vende quae habes, et da pauperibus, et habebis thesaurum in caelo: et veni, sequere me;⁸ eiusmodi autem paupertatem, quae, utpote posita in ea voluntaria studiosaque rerum omnium iactura quam qui Spiritus Sancti instinctu suscipiat, invitae illi et morosae et ostentatae veterum quorundam philosophorum omnino repugnat, ita amplexus est noster, ut dominam et matrem et sponsam reverenter amanterque appellaret. Ad rem sanctus Bonaventura: »Nemo tam auri quam ipse cupidus paupertatis, nec thesauri custodiendi sollicitior ullus quam iste huius evangeliae margaritae.«⁹ Ac Franciscus ipse, cum in lege Ordinis propria singularem prorsus eius virtutis exercitationem suis commendat ac praecipit, quanti eam faceret, quantopere adamaret, perspicuis profecto verbis ostendit: »Haec est illa celsitudo altissimae paupertatis, quae vos, carissimos fratres meos, haeredes et reges Regni caelorum instituit, pauperes rebus fecit, virtutibus sublimavit. Haec sit portio vestra; . . . cui . . . totaliter inhaerentes, nihil aliud pro nomine Domini nostri

⁴ Reg. Fr. Minorum, initio.

⁵ Leg. mai. c. 1, n. 1.

⁶ II Cor. 8, 9.

⁷ Matth. 5, 3.

⁸ Matth. 19, 21.

⁹ Leg. mai. c. 7.

Iesu Christi in perpetuum sub caelo habere velitis.¹⁰ Atque idecirco Franciscus paupertatem, amavit praecipue, quod eam consideraret Deiparae familiarem et Christi Iesu non tam familiarem quam Speciem in ligno Crucis adscitam, et ab hominibus deinde obliteratam et mundo valde amaram atque importunam. Quae cum secum ipse reputaret, mirum quantum consueverat lacrimarum edere ac ploratum. Iam quis insigni isto hominis spectaculo non commoveatur, qui ex paupertatis amore pristinis lauditiarum suarum sociis aliisque non paucis insaniisse visus est? Quid quod posteros, vel ab evangelicae perfectionis captu usque alienissimos, huius tanti paupertatis amatoris auctior in dies admiratio perculit et nostrae homines aetatis percellit? Cui quidem posteritati omnino Aligherius praeivit, cantu illo¹¹ de sponsalibus inter Franciscum et Paupertatem initis, in quo nescias utrum magis mirere, granditatemne elationemque sententiarum, an carminis mollitudinem ac venustatem.

Iamvero quae in mente animoque Francisci paupertatis et notio altissima et generosa insidebat cupiditas, externorum dumtaxat bonorum abdicatione terminari ac circumscribi non poterat. Nam cui liceat germanam ad Christi Domini exemplum adipisci ac profiteri paupertatem, nisi se spiritu pauperem seque humilitatis virtute pusillum effecerit? Quod cum probe teneret noster, alteram virtutem ab altera nunquam dissociando, utramque simul consalutat ac salvere iubet: »Domina sancta paupertas, Dominus te salvet cum tua sorore sancta humilitate... Sancta paupertas confundit omnem cupiditatem et avaritiam et curas huius saeculi. Sancta humilitas confundit superbiam et omnes homines huius mundi et omnia quae in mundo sunt.¹² Franciscum autem uno ut verbo depingat, aurei De Imitatione Christi libri scriptor humilem appellat: »Quantum unusquisque est in oculis tuis (Deus), tantum est et non amplius, ait humilius S. Franciscus.¹³ Cui profecto fuit curiae potissimum, ut, tamquam omnium minimum ac postremum, submisse se gereret. Itaque, inde ab inito emendatioris vitae curriculo, cupere is vehementer ludibrio ac risui esse hominibus; etsi Conditor Paterque Minorum Legifer erat, unum tamen aliquem ex suis sibi moderatorem ac dominum diligere, a cuius nutu penderet; vixdum licuit, nullis suorum precibus fletibusque devictus, summum Ordinis magistratum deponere »ad servandam humilitatis sanctae virtutem« et permanere »exinde subditus usque ad mortem, humilius agens quam aliquis aliorum«;¹⁴ oblatum saepe a Purpuratis Patribus primoribusque civitatis liberale magnificentissimumque hospitium abnuere ac recusare; reliquos homines aestimare quamplurimi et omni honoris testimonio prosequi, factus »inter peccatores quasi unus ex eis«. Namque peccatorum maximus ipse sibi videbatur, dicere solitus, si quam sibi Deus adhibuerat misericordiam, eandem scelesto alicui homini praestitisset, hunc decies

¹⁰ Reg. Fr. Min. c. 6.

¹¹ Par. XI.

¹² Opusc. Salutatio virtutum (Ed. 1904) p. 20 et seq.

¹³ L. III. c. 50.

¹⁴ Th. a Cel. Leg. II. n. 143.

tanto perfectiorem fuisse evasurum, praetereaque Deo dumtaxat tribuendum, a quo unice profectum esset, quicquid in se honesti ac boni reperiebatur. Qua de causa privilegia et charismata, quae hominum existimationem ac laudem parere sibi possent, atque in primis Stigmata Domini Iesu in suo corpore impressa divinitus, omni oculere contentione studuit; si quando autem privatim publice dilaudaretur, non tam se ipse putabat ac fatebatur contemptu contumeliosque dignum, quam incredibili quodam maerore, non sine gemitibus lamentisque, angebatur. Quid quod se indignum adeo existimavit, ut sacerdotio initiari noluerit? In hoc ipso igitur humilitatis quasi fundamento Ordinem Minorum nisi voluit ac consistere. Quodsi hortationibus mirae sapientiae plenis suos iterum iterumque decebat, cur non liceret ulla de re, nedum de virtutibus gratiisque caelestibus, gloriari, in primis tamen eos ex fratribus admonebat et pro opportunitate obiurgabat, quibus sua ipsorum officia periculum inanis gloriae superbiaeque facesserent, ut divini verbi praecones, ut litterarum optimarumque artium peritos, ut coenobiorum provinciarumque moderatores. Longum sane est singula persequi, sed hoc unum commemorare libet: humilitatem Franciscum ex Christi exemplis ac verbis¹⁵ in suos, quasi peculiarem Ordinis notam, derivasse; fratres enim suos »voluit vocari Minores, et praelatos sui Ordinis dici ministros, ut et verbis uteretur evangelii, quod observare promiserat, et ex ipso nomine discerent discipuli eius, quod ad descendam humilitatem ad scholas humilis Christi venissent«.¹⁶

Vidimus, Seraphicum virum, ex ipsa quae in mente sua inesset paupertatis absolutissimae notione, tam se pusillum humilemque praestitisse, ut, vel cum Ordini praesideret, alicui uni — immo, ut addamus, fere omnibus — candida cum simplicitate obtemperaret, quisquis enim semet non abnegat, nec arbitrium abiicit suum, non is profecto dicendus aut se quibusvis rebus despoliasse aut demisso fieri animo posse. Itaque noster voluntatis libertatem, munus ceteris praecellentissimum a Deo Creatore humanae naturae tributum, Iesu Christi Vicario per obedientiae votum ultiro addixit permisitque totam. O quam faciunt **Inepte**, quam longe ab Assisiensis cognitione recedunt qui, ut suis commentis erroribusque serviant, Franciscum quendam fabricantur ac fingunt — incredibile dictu — cum ecclesiasticae intolerantiores disciplinae, tum de ipsis fidei doctrinis nihil omnino curantem, tum etiam praecursorem ac praenuntium multiplicis illius, quae ab recentioris aevi initio iactari coepit, ementiae libertatis, unde tanta Ecclesiae civitatisque exstitit perturbatio. Iam mirificis exemplis ipse suis, quam arte cum Ecclesiae hierarchia, cum Apostolica hac Sede et cum Christi doctrina cohaereret, Praeco magni Regis catholicos doceat acatholicosque universos. Etenim, ut e litterarum monumentis illius aetatis, iisque fide dignissimis, constat, »venerabatur sacerdotes, et omnem ecclesiasticum ordinem nimio amplexbatur affec-

¹⁵ Matth. 20, 26-28; Luc. 22, 26.

¹⁶ S. Bonav. Leg. mai. c. 6, n. 5.

tu¹⁷ »hoc ... ipse vir catholicus et totus apostolicus in praedicatione sua principaliter monuit, ut Romanae Ecclesiae fides invicibiliter servaretur, et ob Dominici Sacramenti, quod ministerio sacerdotum conficitur, dignitatem, in summa sacerdotalis ordo reverentia teneretur. Sed et divinae legis doctores et omnes ecclesiasticos ordines docebat summopere reverendos¹⁸. Quod autem popularibus e suggestu tradebat, id ipsum fratibus suis multo inuleavit vehementius; quos monere identidem consueverat — et Testamento illo suo, et moriturus etiam atque etiam monuit — praelatis et clericis, in sacri ministerii exercitatione, modeste parerent cum iisque filios pacis se gererent. At vero, quod hoc in genere caput est, cum primum propriam sui Ordinis legem Seraphicus Patriarcha condidisset ac conscripsisset, nihil paene morae interiecit, quominus eam Innocentio III, coram cum prioribus undecim discipulis sistens, adprobandam subiiceret. Immortalis autem memoriae Pontifex, verbis et conspectu pauperrimi humillimique hominis mirifice affectus divinoque afflatus spiritu, cum Franciscum peramanter complexus esset, tum exhibitam sibi legem apostolica auctoritate sanxit, fecitque praeterea novis operariis praedi-candae paenitentiae potestatem: cui quidem Regulæ paulo immutatae, testis historia est Honorium III, Francisci rogatu, confirmationis robur addidisse. Regulam autem et vitam Fratrum Minorum Seraphicus Pater huiusmodi vult esse, ut iidem »Domini Nostri Iesu Christi sanctum Evangelium« observent, »vivendo in obedientia, sine proprio et in castitate«, non ad arbitrium quidem suum suamque interpretationem, sed ad nutum Romanorum Pontificum, qui canonice electi sint. Quicumque vero cupiunt »hanc vitam accipere... Ministri... diligenter examinent eos de fide catholica et ecclesiasticis sacramentis, et si haec omnia credant, et velint ea fideliter confiteri, et usque in finem firmiter observare«; qui in Ordinem cooptati sint, ne inde ullo pacto discedant »iuxta mandatum Domini Papae«. Clericis praecipitur, ut divina obeant officia »secundum ordinem Sanctae Romanae Ecclesiae«; fratribus in universum, ne in territorio alicuius episcopi, huius iniussu, contionentur, neve sacrarum virginum coenobia, ministerii causâ, nisi peculiarem Apostolica Sedes veniam fecerit, ingrediantur. Nec minorem Apostolicae Sedis reverentiam atque observantiam ea redolent, quae de Cardinali protectore postulando Francisca habet: »Per obedientiam iniungo Ministris, ut petant a Domino Papa unum de Sanctae Romanae Ecclesiae Cardinalibus, qui sit gubernator, protector et corrector istius Fraternitatis; ut semper subditi et subiecti pedibus eiusdem Sanctae Romanae Ecclesiae, stabiles in fide catholica, ... sanctum Evangelium Domini nosri Iesu Christi, quod firmiter promisimus, observemus.¹⁹

Nec silere de illa decet, quam Seraphicus vir »diligebat praecipue pulchritudinem et munditiam honestatis«, scilicet de ea spiritus corporis-

¹⁷ Th. a Cel. Leg. I. n. 62.

¹⁸ Julian. a Spira. Vit. S. Fr. n. 28.

¹⁹ Reg. Fr. Minor. passim.

que castitate, quam acerbissima sui ipsius maceratione custodiebat ac tuebatur. Ipsum vidimus, cum adulescens festive eleganterque ageret, a quavis vel verborum turpitudine abhorruisse. Attamen, statim atque inania saeculi delectamenta abiecit, iam tum sensus acerrime cohibere coepit, et, si quando voluptariis pulsari agitarique eum motibus contigit, sese aut inter dumos volutare aut, summa hieme, in rigidissimas aquas demergere non dubitavit. Explorata, ceteroqui, res est, nostrum, qui homines ad evangelicae vitae institutum revocare studeret, hortari omnes solitum >ut amarent et timerent Deum atque poenitentiam agerent de peccatis²⁰ exemplique suo omnibus paenitentiae auctorem suasoremque exstitisse. Is enim cilicium carni adhibere, tunica rudi ac paupere uti, nudis pedibus incedere, subnixis lapide lignove cervicibus cubare, cibum capere qui mortem dumtaxat arceret, eundemque aquae et cineri plerumque admixtum ut male saperet, immo etiam maiorem anni partem fere ieunus traducere. Corpus praeterea, quod cum iumento onerario comparabat, aspere duriterque, seu satis firma seu aegra esset valetudine, tractare, et duplicita quidem castigatione, si quid calcitrare videretur; postremis autem vitae suae annis, cum, factus Christo simillimus, per Stigmata quasi cruci affixus esset et multiplici morborum vi torqueretur, ne tunc quidem corpori suo aliquid solacii indulxit ac quietis. Nec minus curavit, ut sui austerioritati et paenitentiae assuescerent, quamquam — in quo unice >dissona fuit manus a lingua in patre sanctissimo²¹ — eos iubendo monuit, ab immodica abstinentia corporisque afflictione temperarent.

Haec autem omnia ex uno eodemque divinae caritatis fonte ac capite fluxisse quis pro manifesto non habet? Siquidem, ut Thomas a Celano scripsit,²² »amore divino fervens ... studebat semper ad fortia mittere manum, et dilatato corde viam mandatorum Dei ambulans, perfectionis summam attingere cupiebat«, et, teste Bonaventura,²³ »totus ... quasi quidam carbo ignitus divini amoris flamma videbatur absorptus«; nec deerant qui vim lacrimarum profunderent, cum eum cernebant >ad tantam ebrietatem divini amoris tam cito venisse²⁴. Divina autem eiusmodi caritas ita in proximos redundavit, ut inopes homines, in iisque miserrimos leprosos, a quibus ante, cum adolesceret, naturā abhorrebat, sui ipsius victor, praecipua sit benignitate complexus, horumque servitio et curationi se totum suosque addixerit ac manciparit. Nec minore voluit alumnos suos fraterna inter se caritate diligere; quare franciscalis familia, quasi quaedam >caritatis nobilis structura surrexit, in qua vivi lapides, ex omnibus mundi partibus coacervati, aedificati sunt in habitaculum Spiritus Sancti.²⁵

Libuit, Venerabiles Fratres, in hac quasi contemplatione altissimarum virtutum aliquando morari diutius, quia, per haec quidem tempora, plurimi,

²⁰ Leg. Trium Sociorum. n. 33 et seqq.

²¹ Th. a Cel. Leg. II. n. 129.

²² Leg. I. n. 55.

²³ Leg. mai. c. 9, n. 1.

²⁴ Leg. Trium Sociorum, n. 21.

²⁵ Th. a Cel. Leg. I. n. 38 et seqq.

quos laicismi pestis infecit, heroas nostros germana sanctitatis luce ac gloria exuere consueverunt, ut eos ad naturalem quandam praestantiam inanisque cuiusdam professionem religiositatis deprimendo, tamquam de disciplinarum optimarumque artium processu, de beneficentiae institutis, de patria sua, de universo hominum genere paeclare meritos dumtaxat praedicent atque extollant. Ac mirari nunquam desinimus, quidnam talis Francisci, quem dimidiatum atque adeo simulatum dixeris, admiratio recentioribus eius amatoribus profutura sit, quotquot aut divitias lautitiasque aucupantur aut compita urbium, chreas, spectacula munduli ac concinni celebrant aut in voluptatem caeno voluntantur aut Christi Ecclesiaeque disciplinam ignorant, reiiciunt. Huc illud quadrat aptissime: »Quem delectat sancti alicuius meritum, delectare debet par circa cultum Dei obsequium. Quare aut imitari debet, si laudat; aut laudare non debet si imitari detrectat; et qui sanctorum merita admiratur, mirabilis ipse vitae sanctitate reddatur.«²⁶

Itaque ad aequalium suorum emendationem et salutem inque universae Ecclesiae praesidium eo, quod diximus, munitus robore virtutum, Franciscus auspicato vocatur. Ad Aedem Damiani, ubi per suspiria ac gemitus orare solitus erat, vocem ipse ter e caelo demissam audierat: I, Francisce, labentem refice domum meam.²⁷ Arcanam rei significationem cum nequaquam intellexisset, utpote qui tam demisso esset animo et sese ad maxima quaeque minus putaret idoneum, miserentissimum tamen Domini consilium ex oblata sibi divinitus specie Francisci inclinatum Lateranense templum humeris suis sustinentis clarius Innocentius III coniicendo perspexit. Seraphicus igitur vir, dupli condito Ordine, altero hominibus, altero mulieribus ad evangelii perfectionem evehendis, italicas urbes concursando celeriter, per se ipsem et per discipulos initio cooptatos, brevi sane at fervidissimo quodam dicendi genere, paenitentiam populis nuntiare ac praedicare aggressus est: quo in ministerio incredibiliter verbo et exemplo profecit. Francisco enim, quacumque, apostolici munera gratia, peregrinabatur, obviam cleris populusque effundi — pompâ inter aeris sacri tinnitus et communes cantus institutâ — ramos olivarum ventillantes; stipare ipsum omnes cuiusvis aetatis; sexus atque ordinis, et domum, ubi moraretur, interdiu noctuque circumsaepire, ut exeuntem adspicere, tangere, alloqui, audire licet; nullus contentionanti resistere, ne ii quidem quorum vitia et flagitia perpetuo usu consenserant. Factum inde est, ut, cum plurimi, vel constantis aetatis, gregatim, evangeliae cupiditate vitae terrena omnia abdicarent, tum Italiae populi se ad bonam frugem omnino reciperent et Francisco in disciplinam se traderent; immo eius subole in immensum aucta, tantus ubique ad eum sectandum animorum excitatus est ardor, ut parantes vulgo viros et feminas vel a coniugio domesticoque convictu recedere ipse ab consilio saeculi repudiandi Seraphicus Patriarcha avertere atque abducere saepe cogeretur. Interea illud

²⁶ Brev. Rom. d. 7 Nov.: Serm. de Martyribus.

²⁷ S. Bonav. Leg. mai. c. 2.

praecipue novis paenitentiae nuntiis propositum deliberatumque erat, inter singulos, familias, civitates, regiones, perpetuis quassatas cruentatasque discidiis redintegrare pacem; atque iudicium illorum hominum eloquentiae humanâ maiori adscribendum, si Assisii, si Arretii, si Bononiae atque in aliis urbibus oppidisque satis multis plene animorum concordiae, sollemnibus interdum initis pactis conventis, efficaciter consultum est. Ad communem autem pacificationem emendationemque plurimum Ordo Tertius contulit, religiosus quidem Ordo at, novo ad eos dies exemplo, nulla votorum religione adstrictus, cuius erat cum divinae servandae legis, tum christianaæ perfectionis assequendae hominibus mulieribusque in saeculo viventibus offerre ac dare omnibus facultatem. Legis novo sodalicio constitutae haec potissimum capita. Ne adsciscerentur nisi qui fidem catholicam tenerent Ecclesiaeque cum summo parerent obsequio; quomodo sodales ex utroque sexu in Ordinem ingredierentur et, tirocinio ad annum exacto, vir tamen de uxoris consensu, uxor assentiente viro, Regulam sponderent; de vestibus adhibendis honestati paupertatique consentaneis deque muliebri cultu moderando; ne Tertiarii inhonesta convivia vel spectacula, ne chreas participarent; de abstinentia et ieunio; de culpis ter in anno expiandis et sacra synaxi totidem suscipienda, reconciliatis inter se animis atque alienis rebus domino redditis; ne arma, nisi ad Romanae Ecclesiae, fidei christianaæ patriaeque cuiusque suae tuitionem aut suorum concessu ministrorum, Tertiarii ferrent; de horis canonicis aliisve precibus persolvendis; de testamento intra tres ab inito Ordine menses legitime faciendo; ut turbatam sodales pacem inter se cum externisque prompte reconciliarerent; quid ipsis agendum, si quando sua iura vel privilegia oppugnari aut violari contingeret; sollempne iusiurandum ne unquam interponerent, nisi necessitate imminente, quam Apostolica Sedes excepisset. Huc praeterea accedebant alia haud minoris momenti: de audiendo sacro deque coetibus statu quoque tempore habendis; de stipe a singulis, pro suis cuiusque viribus, conferenda in subsidium tenuiorum, praesertim aegrotantium, et in iusta funebria sodalium; quomodo alteri alteros aut aegra valetudine affectos inviserent aut peccantes contumacesque corriperent atque emendarerent; ne quis officia ac ministeria sibi commissa recusaret vel neglegenter impleret; de litibus dirimendis. Quo in genere ideo singula persecuti sumus, ut appareat, Franciscum, et invicto suo suorumque apostolatu et Tertii Ordinis instituto, novae, idest ad evangelii formam penitus immutatae, societatis fundamenta iecisse. Mittamus, etsi praecipua, quae in eiusmodi lego ad liturgiam spiritualemque animi cultum pertinebant; ex ceteris praescriptis nemo non videt eam coalescere debuisse privatae communisque vitae ordinationem, quae non modo ex civili consortione fraternum quoddam foedus, sanctimoniae officiis copulatum, efficeret, sed etiam ius miserorum atque impotentium contra divites potentesque, nullo ordinis iustitiaeque detimento, tueretur. Tertiariis enim cum clero consociatis, sequi auspicato oportuit, ut, quibus hic vacationibus atque immunitatibus frueretur, easdem novi sodales nanciscerentur. Itaque iam tum Tertiarii nec

sollemne vassallitii, ut aiunt, iusiurandum iurarunt, nec, ad militiam bellumve inferendum convocati, arma ceperunt, cum obiectae legi feudali, quam vocant, ipsi ex adverso Tertii Ordinis legem, obiectae vero condicioni servili quaesitam sibi libertatem opponerent. Ab iis interim magna affecti molestia, quorum in pristinum res revocari ac restitui vehementer interesset, patronis defensoribusque usi sunt Honorio III et Gregorio IX, qui, vel poenis severe latis, hostiles conatus fregerunt. Quamobrem saluberrima rerum conversio in societate hominum excitari; in christianas nationes novum Francisci Patris legiferi institutum, inducā cum paenitentiae studio morum innocentia, late propagari et increbescere; nec solum Pontifices, Cardinales, Episcopi, sed ipsi reges et dynastae, quorum nonnulli sanctitatis gloria floruerunt, Tertii Ordinis insignia inflammatis suscipere animis et evangelicam sapientiam cum franciscali spiritu imbibere; lectissimarum laus decusque virtutum in civitate reviviscere; demum »facies terrae« renovari.

Enimvero Franciscus »vir catholicus et totus apostolicus«, quem admodum fidelium emendationi mirifice prospexit, sic ethnicis ad Christi fidem legemque deducendis et dedit ipse operam et dari a suis laboriosissimam iussit. Non est profacto cur rem multis commemoremus notissimam, scilicet nostrum, ut erat proferendi evangelii martyriique faciundi cupidus, cum aliquot discipulis in Aegyptum traiecerint et coram Sultano animose audacterque stetisse. Quot autem, Minorum initio atque, ut ita dicamus, primo vere, in Syria et in Mauritania caesi sint missionales, nonne in Ecclesiae fastis honorificentissime inscriptum? Quem quidem apostolatum ita multiplex Francisci suboles, decursu aetatum, vel profuso late sanguine, perrexit, ut, Romanorum Pontificum veniā, plurimas ii sibi habeant ethnicorum regiones ad excolendum concreditas.

Nullus propterea miretur, praeterito hoc septingentorum annorum spatio, memoriam tantae ab homine vis beneficiorum profectae nec unquam deleri nec usquam obliterari potuisse. Immo ipsius vitam atque operam, caelesti potius quam humano, ut Aligherius scripsit, canendam paeconio, altera videtur aetas alterius aetatis admirationi et venerationi sic propnere ac commendare, ut is non modo ob insignem sanctitatis laudem in luce aetholici orbis sit collocatus, verum etiam civili quodam cultu gloriaque splendescat, Assisii nomine ubique gentium pervagatissimo. In Seraphici enim Patris honorem, haud multo post quam obierat, populorum seitu aedes sacrae passim excitatae sunt, lineamentis operumque ornatae mirabiles; certavere quidem artifices summi, quis eorum aptius pulchriusque Francisci imaginem eiusque res gestas pingendo vel sculpendo, caelando vel tessellando referret; ad S. Mariae Angelorum, ea in planicie, unde Franciscus »pauper et humilis, caelum dives« ingressus est, itemque ad gloriosum in clivo Assisiensi sepulcrum, ut tanti viri memoriam, cum spirituali beneficio, recolant et perennia artis monumenta suspiciant, advenae, singulatim gregatimve, undique convenienti ac confluunt. Assiensem praeterea cecinit, ut vidimus laudator nulli comparandus, Dantes

Aligherius, nec defuere postea qui hominem, italicas peregrinasve nobilitando litteras, efferrent. At nostra potissimum aetate, franciscalibus rebus per eruditos homines subtilius investigatis, scriptis editis vario sermone quamplurimis et ad opera atque artificia non parvi momenti excitatis peritorum ingenii, ingens, quamquam haud recta semper, Francisci admiratio plerosque recentiorum incessit. Intueri enim alii hominem ad sensus animi poetice exprimendos nativa ingenii celeritate inclinatum, cuius Canticō illo, vetustissimo nascentis patrii sermonis specimine, erudita posteritas delectatur; alii quidem talem mirari naturae amatorem, qui non modo rerum inanimarum maiestate, astrorum fulgore, Umbriae montium valliumque amoenitatibus, animalium pulchritudine suavissime afficeretur, sed etiam, veluti innocens Adam in paradiſo terrestri constitutus, animantia, quibuscum quasi quadam fraternitate copulari sibi videbatur, alloquendo suis faceret mandatis obsequentissima; in eo alii patriam dilaudare caritatem, quod Italiam nostram, felicitate ortus sui honestatam, ampliore, quam ullam e nationibus ceteris, beneficiorum copia locupletarit; alii denique eum praedicare cum omnibus hominibus singulari rorsus amoris communione coniunctum. Vera ista quidem, at minora, at probe intellegenda: quae qui aut praecipue ante oculos proposita habeat aut ad suaē excusationem mollitudinis, ad sua opinionum commenta vel ad sua studia fulcienda detorqueat, iam is vera Francisci lineamenta corrumpat. Etenim ex illa, quam attigimus delibavimusque, heroicarum universitate virtutum, ex illa vitae austeritate et paenitentiae praedicatione, ex multiplici illa operosaque emendandae societatis actione, integer Franciscus, christiano populo non tam admirandus quam imitandus, exsistit; qui, cum esset Praeco magni Regis, eo spectavit ut homines ad evangelicam sanctitatem et crucis amorem conformaret, minime vero ut florū et avium et agnorū et piscium et leporum tantummodo cupidores et amantes efficeret. Quodsi in res creatas ipse teneriore quodam amore ferri videtur easque »quantumlibet parvas fratris vel sororis« appellat »nominibus« — qui quidem amor, modo ne ordinem excedat, nulla lege reprobatur — haud alia de causa, quam sua in Deum caritate, ad res ipsas diligendas permovet, quas »sciebat... unum secum habere principium«²⁸ et in quibus Dei bonitatem cernebat; nam »per impressa rebus vestigia insequitur ubique dilectum, facit sibi de omnibus scalam, qua perveniat ad solium«²⁹. Ad cetera quod attinet, quidnam Italos prohibet quominus de Italo glorientur, qui »Patriae lux«³⁰ in ipsa ecclesiastica liturgia appellatur? Quidnam viros plebis studiosos impedit, quominus Francisci praedicent caritatem, ad universos homines, pauperiores potissimum, pertinentem? At alteri caveant ne, immoderato suaē amore gentis abrepti, ardentis eiusmodi, quo nationem prosequuntur, studii quasi indicem ac signum »virum catholicum« deminuendo iacent; alteri, ne praecur-

²⁸ S. Bon. Leg. mai. c. 8, n. 6.²⁹ Th. a Cel. Leg. II. n. 165.³⁰ Brev. Fr. Minorum.

sorem ac patronum errorum configant, unde tam procul aberat quam qui maxime. Ii, alioquin, omnes, qui minoribus hisce Assisiensis laudibus, non sine aliquo pietatis sensu, delectantur et saecularia sollemnia provehere amanter contendunt, utinam, quemadmodum sunt Nostro digni praeconio, ita ex hac ipsa eventi faustitate ad germanam maximi huius Christi imitatoris imaginem subtilius dispiciendam atque ad aemulanda charismata meliora plurimum capiant incitamenti.

Ex hoc interea, Venerabiles Fratres, praeclara incidit Nobis iucunditatis causa, quod concordi bcnorum omnium conspiratione ad agendum beatissimi Patriarchae memoriam, per annum septies ab obitu centesimum, sacra ac civilia apparantur ubique terrarum sollemnia, at in iis potissimum regionibus, quas sua is vivens praesentia et luce sanctitatis et miraculorum gloria nobilitavit: qua in re praeire vos clero ac gregi cuique vestro multo iucundius conspicimus. Animo autem Nostro, immo oculis paene nostris creberrimae iam nunc obversantur peregrinorum multitudines, qui aut Assisium et proxima per viridem Umbriam sanctuaria aut praerupta Alverniae iuga aut sacros clivos in Reatinam vallem spectantes adituri ac celebraturi sunt: quorum ex pia salutatione lceorum, ubi spirare adhuc Franciscus videtur virtutesque ad imitandum exhibere suas, fieri non potest quin ii domum franciscali plenius imbuti spiritu redeant. Etenim — ut Leonis XIII verba usurpemus — »ita de honoribus, qui beato Francisco properantur, statuendum, tunc maxime futuros ei, cui deferentur, gratos, si fuerint iis ipsis, qui deferant, fructuosi. In hoc autem positus est fructus solidus minimeque caducus, ut cuius excellentem virtutem homines admirantur, similitudinem eius aliquam adripiant fierique studeant ipsius imitatione meliores«³¹. Forte dicat quispiam, alterum societati christianaee reparandae Franciscum in terris hodie existere oportere. Verumtamen fac, renovato animorum studio, homines Francisco illo uti pietatis sanctimoniaeque magistro; fac, ipsos quae is reliquit exempla, cum esset »virtutis speculum, recti via, regula morum«³² imitari atque in se referre universos; nonne id satis haberet vis atque efficientiae ad sanandam exsecandamque horum temporum vitiositatem?

In primis igitur insignem Patris sui Legiferi similitudinem prae se ferant oportet frequentissimi e tribus Ordinibus filii: quibus in Ordinibus »institutis ... per orbis latitudinem« — ut Gregorius IX. ad beatam Agnetem regis Bohemiae filiam scribebat — »per dies singulos cunctipotens redditur multipliciter gloriosus«³³. Atque religiosis e Primo Ordine viris, quicunque franciscali demum nomine censemur, cum gratulemur vehe menter, quod e vexationibus spoliationibusque indignissimis, quasi aurum ad obrussam exactum, ad pristinum splendorem magis in dies revi rescunt, tum ex animo cupimus, ut, paenitentiae humilitatisque sua exempla, in tam late diffusam concupiscentiam carnis superbiamque vitae

³¹ Enc. Auspicato 17 Sept. 1882.

³² Brev. Fr. Minorum.

³³ Ep. De Conditoris omnium 9 Maii 1238.

altius quasi expostulent. Ipsorum esto ad evangelica vivendi praecepta proximos revocare: quod minus difficile impetrabunt, si sanctissimam illam ad unguem servaverint Regulam, quam Conditor liberum vitæ, spem salutis, medullam evangelii, viam perfectionis, clavem paradisi, pactum aeterni foederis³⁴ vocabat. Seraphicus vero Patriarcha mysticam, quam suis ipse manibus consevit, vineam respicere et fortunare e caelo ne desinat, et multiplicem quidem propaginem sic fraternali humore ac suco caritatis alat ac roboret, ut facti omnes cor unum atque anima una in christiana familiae renovationem studiosissime incumbant.

Virgines autem sacrae e Secundo Ordine, vitae angelicae quae per Claram inclaruit participes, quasi lilia in dominici horti areolis consita, et olere optime et niveo animarum candore placere Deo pergent. Quibus utique deprecaticibus contingat, ut ad Christi Domini clementiam rei multo plures confugiant, et gaudia Ecclesiae Matris ob restitutos in divinam gratiam aeternaeque spem salutis filios mirifice augentur.

Tertiarios denique, sive in regulares familias coiverint sive in saeculo degant, appellamus, ut spiritualia christiani populi incrementa apostolatu quoque suo maturare studeant. Qui quidem apostolatus si dignos initio fecit, quos Gregorius IX milites Christi et Machabaeos alteros nuncuparet, at potest hodie haud minoris ad communem salutem momenti exsistere, modo ipsi, ut per totum terrarum orbem percrebuerent numero, sic forma Francisci Patris induiti, morum praef'erant innocentiam atque integritatem. Quod autem decessores Nostri Leo XIII per Litteras Auspicato et Benedictus XV per Epistolam Sacra propediem sibi vehementer placitum universis catholici orbis Episcopis significarunt, id ipsum a pastorali omnium vestrum studio Venerabiles Fratres, Nobismet pollicemur: fore scilicet, ut Tertium franciscalem Ordinem quoquo pacto loveatis, gregem educcendo — aut per vos ipsi aut per sacerdotes ad ministerium verbi excultos atque aptos — quo is saecularium hominum mulierumque Ordo pertineat, quanti aestimandus, quam expeditus ad Sodalitatem aditus facilisque legum observatio sanctissimarum, qua veniae et privilegiorum copia Tertiarii fruantur, quantum denique e Tertio Ordine in singulos atque in communitatem recidat utilitatis. Qui nondum dederint, dent praeclarae eiusmodi militiae, vobis suasoribus hoc anno nomen; quibus adhuc dare per aetatem non licet, ii chordigeros candidatos se scribant, ut vel pueri sanctae huic disciplinae assuescant.

Quandoquidem vero, oblatis tam crebro salutaribus ad celebrandum eventis videtur benigne Deus velle, ut Pontificatus ne praetereat Noster nisi partis catholico nomini laetissimis fructibus, saecularia haec Francisci sollemnia, qui in vita sua suffulsi domum, et in diebus suis corroboravit templum³⁵, apparari periucunde cernimus, eoque libentius, quod eum ab aetatis flore summa Patronum religioni coluimus, atque in ipsius filiis, pie insignibus Tertiis Ordinis acceptis, numerati olim sumus. Hoc igitur anno,

³⁴ Th. a Cel. Leg. II. 208. ³⁵ Eccli., 50, 1.

ab obitu Seraphici Patris septingentesimo, talibus affluat catholicus orbis, talibus gens nostra, Francisco deprecatore, beneficiis, ut idem sit annus in Ecclesiae historia perpetuo memorabilis.

Caelestium interea munerum auspicem paternaeque benevolentiae Nostrae testem, apostolicam benedictionem vobis, Venerabiles Fratres, et clero populoque vestro peramanter in Domino impertimus.

Datum Romae apud Sanctum Petrum die XXX mensis Aprilis anno MDCCCCXXVI, Pontificatus Nostri quinto.

PIUS PP. XI.

54.

MOLITEV ZA MEHIKO.

Katoliška Cerkev v Mehiki preživlja težke dni. Na podlagi krivičnih zakonov, ki se ne morejo niti zakoni imenovati, kakor je reklo sv. oče papež Pij XI., preganja mehikanska vlada Cerkev, dasi je 96 odstotkov vsega prebivalstva katoliških. Cerkev nima nobene prostosti, cerkve, se-menišča in šole zapirajo, duhovnike, redovnike in redovnice izganjajo. Duhovniki niti verskih obredov ne morejo svobodno vršiti. Odposlance sv. stolice so izgnali.

Sv. oče je storil za omiljenje razmer vse korake, ki jih je mogel. Bilo je vse brezuspešno. Zato v lepem pismu na škofo v Mehiki jih tolaži in jim daje navodila za delo v težkem času strašnih poskušenj. Že v nagovoru v konzistoriju v decembru minulega leta je pa reklo sv. oče, da stavi svoje upanje edino le na Usmiljenje božje in na molitev. Radi tega je za letošnjo Veliko noč odredil molitve za Mehiko v Rimu.

Zdaj pa, ko so razmere Cerkve v Mehiki ostale iste, prosi sv. oče, naj bi molila vsa Cerkev. Želja sv. očeta je, da naj bi se vršile javne molitve v vseh cerkvah v nedeljo dne 1. avgusta, na god verig sv. Petra. Ta dan je namreč spominski dan na preganjanje kristjanov po Neronu, ko so tudi sv. Petra vrgli v ječo in so kristjani zanj neprestano molili. Isti dan je tudi pričetek velikega odpustka porciunkule. Sv. oče slednjic želi, da bi se pri molitvah za odpustke sv. leta privzel kot njegov namen blagor Cerkve v Mehiki.

Radi tega naroča škofijski ordinariat, da naj se v nedeljo, dne 1. avgusta 1926 v vseh župnih in drugih duhovnijskih cerkvah ljubljanske škofije vršijo od sv. očeta naravnane molitve.

V ta namen naj se pri glavni službi božji izpostavi presv. Rešnje Telo in popoldan moli javno in skupno ura molitve. V pridigi naj se vernikom pojasnii namen te pobožnosti in naj se jim priporoči, da naj goreče molijo, da bi Vsemogočni Bog dneve preganjanja katoličanov v Mehiki prikrajal in dal Cerkvi ondi spet varno in blagonsno prostost.

Škofijski ordinariat v Ljubljani, 20. julija 1926.

Andrej Kalan,
generalni vikar.

55.

RAZNE OBJAVE.

Mašne intencije. Škof. ordinariat ima večje število mašnih intencij s štipendijem po 10 Din. Gg. duhovniki, ki so brez mašnih štipendij in bi želeli kaj označenih intencij, naj se priglasijo ordinariatu.

Raziskavanje po maticah. Poglavarstvo sl. i. kr. grada Karlovca prosi za rojstne podatke neke Helene Jagodnik, zak. hčere Josipa in Josipine Jagodnik, rojene med l. 1875.—1888. — Matični uradi naj pregledajo matice. Pri pozitivni zasledbi naj se pošlje semkaj službeni rojstni in krstni list.

56.

SLOVSTVO.

Sveti Alojzij Gonzaga, zaščitnik krščanske mladine. Za dvestoletnico kanonizacije sestavil dr. Jože D e b e v e c, gimnazijski profesor. Ljubljana 1926, Založil »Glasnik presv. Srca«, 12^o (190 strani in 6 slik). — Knjigo škofijski ordinariat toplo priporoča; odlično delo je vzorna biografija angelskega mladeniča, zaščitnika krščanske mladine. Tudi gg. duhovnikom bo izvrstno služila ob proslavi dvestoletnice kanonizacije sv. Alojzija.

Lavtičar Josip : Spomini. V samozaložbi. Rateče-Planica 1926, 8^o, 244 strani. — Spomine pisati ni lahko delo, ki se zato le redko posreči. Pisatelj je vedno v nevarnosti, da se izneveri objektivnosti, ker gleda in presega dogodke svojega življenja večidel bolj subjektivno. — Prijetno nam je ugotoviti, da se je pisatelj teh spominov spretno in dosledno čuval te napake in nam podal lepo, objektivno zanimivo sliko dogodkov sodobnih in posebej svojega življenja. V sodbi glede oseb in stvari, ki jih opisuje, je objektiven in dobrohoten. A. K.

57.

RAZGLAS.

Hisce declaramus, sacerdotem Isidorum C a n k a r , Phil. Doctorem et Professorem extraord. in facultate philosophica Universitatis Labacensis, qui die 22. Septembris 1886 in Šid in Slavonia natus et die 12. Julii 1909 Labaci presbyter ordinatus est, iuxta Can. 2314 § 1 propter apostasiā a fide christiana incurrisse ipso facto excommunicationem speciali modo Sedi Apostolicae reservatam et iuxta Can. 2388 § 1 propter attentionem matrimonii excommunicationem latae sententiae Sedi Apostolicae simpliciter reservatam.

Ex Ordinariatu Episcopali Labaci, die 20. Julii 1926.

Andr. Kalan,
Vicarius generalis.

58.

KONKURZNI RAZPIS.

Z okrožnico z dne 8. jul. 1926 št. 2549 je bila razpisana župnija S v. Lenart nad Škofojo Loko, z rokom do 25. julija 1926.

Razpisuje se župnija Š t. Lambert v litijski dekaniji.

Prošnje je nasloviti na škofijski ordinariat v Ljubljani.

Kot zaključni rok za vlaganje prošenj se določa 15. avgust 1926.

59.

ŠKOFIJSKA KRONIKA.

Katehetski izpit sta dovršila: dr. Janez A h č i n , kaplan v Mokrogatu, za srednje šole, in Ivan P l a t i š a , kaplan v Komendi, za osnovne in meščanske šole.

Posvečeni so bili v duhovnike od presvetlega in premičlostnega gospoda škofa lavantinskega dr. Andreja Karlina dne 29. junija 1926 v ljubljanski stolnici: Viljem F a j d i g a (Radovljica), Stanislav G r i m s (Škofja Loka), Franc N a h t i g a l (Žužemberk), Alojzij O d a r (Boh. Srednja vas), Anton Š v e l c (Kranj); nadalje Luka J a n o v i ĉ iz kotorške škofije in France D ü n d e k , iz družbe saleziancev.

Umrla sta: Mihael S a j e , zlatomašnik in župnik v pokolu, v Meckinjah dne 15. junija 1926 v starosti 86 let, in Ivan O b l a k , kaplan v Borovnici, v Ljubljani dne 28. junija 1926, v starosti 28 let, pokopan v Borovnici. — N. v m. p.!

Škofijski ordinariat v Ljubljani, dne 24. julija 1926.

Vsebina: 53. Okrožnica papeža Pija XI. o sv. Frančišku. — 54. Molitev za Mehiko. — 55. Razne objave. — 56. Slovstvo. — 57. Razglas. — 58. Konkurzni razpis. — 59. Škofijska kronika.